

萊州府鄉土志卷上

候補道萊州府知府熙 臣輯

歷史

本境建置

漢稱東萊郡有掖平度之名宋稱濰稱昌邑明洪武九年始改濰州為縣

萊州府今四州縣 掖縣 平度州 昌邑 濰縣

未置本境以前

唐虞屬青州

萊州府鄉土志卷上

建置

一

夏屬青州有萊夷禹貢萊有過國夷作牧掖

商屬營州有萊侯國

周屬青州有萊子國

春秋屬齊有萊維郛密諸國昌邑屬

戰國屬齊有夜邑

秦為齊郡東境

既置本境以後

漢為青州部 掖平度曲成當利屬東萊郡曲成當利皆掖地

平壽都

昌屬北海郡平壽屬濰地都昌昌邑也

下密屬膠東國下密屬濰

後漢為青州部 曲成掖當利長廣屬東萊郡長廣膠東皆平度地 平壽  
都昌膠東下密屬北海國

晉為青州部 掖當利曲成屬東萊國 平壽下密膠東屬濟南  
郡 都昌屬北海郡 長廣屬長廣郡

南宋為青州部 曲成掖當利屬東萊郡 都昌膠東下密平壽  
屬北海郡 長廣屬長廣郡

北魏分隸青州光州兩部 下密都昌平壽膠東屬北海郡此青  
州部 掖曲成屬東萊郡當利長廣屬長廣郡此光州部

隋為青州部 掖膠水屬東萊郡膠水平度地 都昌北海下密屬北

萊州府鄉土志卷上 建置 二

海郡

唐為河南道 掖膠水屬萊州東萊郡 北海屬青州北海郡

宋為京東東路 掖膠水屬萊州 北海昌邑屬濰州

金為山東東路 萊州定海軍節度掖膠水屬焉 北海昌邑屬

濰州

元為山東東西道 萊州掖膠水屬般陽路總管府 濰州北海  
昌邑屬益都路總管府

明隸山東布政司 掖平度州濰昌邑與膠州高密即墨共七邑  
屬萊州府

國朝因明之舊萊州府共七邑光緒三十年裁膠高即三邑以膠  
州為直隸州高密即墨屬焉而萊州府止掖平昌濰四州縣是今  
之疆域也

萊州府鄉土志卷上

建置

三

政績錄

漢闕門慶忌 王成 朱邑 張敞 假倉

闕門慶忌鄒人為膠東內史其治官民有廉節言詩本於申公史

儒林傳

王成不知何郡人為膠東相治甚有聲宣帝最先褒之地節三年下詔曰膠東相成勞來不怠流民自占八萬餘口治有異等之效

其賜成爵關內侯秩中二千石未及徵用會病卒官

漢書循吏傳

朱邑字仲卿廬江舒人少時為舒桐鄉嗇夫廉平不苛舉賢良遷

北海太守以治行第一入為大司農性公正不可交以私是時張

萊州府鄉土志卷上 政績 四

敞為膠東相與邑書曰明主游心太古廣延茂士此誠忠臣竭思

之時也邑感敞言薦賢士大夫多得其助居處儉節祿賜以共九

族鄉黨家亡餘財神爵元年卒天子閔惜詔賜邑子黃金百斤以

奉其祀節循吏傳

張敞字子高本河東平陽人至敞徙杜陵宣帝時膠東盜起敞上

書自請治之天子許之敞到膠東明設購賞開羣盜令相捕斬除

罪吏追捕有功上名尚書調補縣令者數十人由是盜賊解散轉

相捕斬國中遂平制詔御史其以膠東相敞守京兆尹敞本治春

秋以經術自輔其政頗雜儒雅往往表賢顯善不純用誅罰以此

能自全免於刑戮節錄本傳

假倉字子驕陳留人受書於平陵張山拊長賓倉以謁者論石渠

至膠東相由是小夏侯有假氏之學本漢書儒林傳按假倉政績不傳然暨闕門慶忌皆著

名儒林意皆以經術師吏治即張敞亦以經術自輔者也與王成未邑以次編列見儒林循吏軌轍無二彬彬極一時之盛云

後漢楊震 吳祐 杜密 孔融 晉宗羆 劉將軍

楊震字伯起宏農華陰人永初閒遷東萊太守當之郡道經昌邑

故所舉荊州茂才王密為昌邑令謁見至夜懷金十斤以遺震震

曰故人知君君不知故人何也密曰暮夜無知者震曰天知神知

我知子知何謂無知密愧而出按後漢東萊首邑治黃非治掖然其時東萊郡有曲成掖當利長廣

萊州府鄉土志卷上 政績 五

則以東萊太守入府志固可抑金之楊春以遠祖震守東萊因家於掖以此觀之其郡治必距掖不遠也後漢書本傳注昌邑故城在今兗州金鄉縣西北是可知非今之昌邑也今之昌邑漢云都昌

吳祐音又續漢書作佑字季英陳留長垣人順帝時祐以光祿四行遷膠

東侯相漢官儀曰四行敦厚質樸遜讓節儉也政唯仁簡以身率物民有爭訴者輒

閉閣自責然後斷其訟以道譬之或身到閣里重相和解是後爭

隙省息吏人懷而不欺嗇夫孫性私賦民錢市衣以進其父父怒

曰有君如是何忍欺之促歸伏罪性慙懼詣閣持衣自首祐曰掾

以親故受污穢之名所謂觀過知仁使歸謝父還以衣遺之又安

邱男子母同貫邱長與母俱行市道遇醉客辱其母長殺之而亡安

邱追蹤於膠東得之祐呼長謂曰孝子忿必慮難動不累親今若背親逞怒白日殺人赦若非義刑若不忍將如之何以長無子移安邱逮長妻解其桎梏使同宿獄中妻遂懷孕至冬盡行刑長泣謂母曰負母應死當何以報吳君子乃齧指而吞之含血言曰妻若生子名之曰吳生言我臨死吞指為誓屬兒以報吳君因投繯而死祐在膠東九年遷齊相

節錄本傳

杜密字周甫潁川陽城人少有厲俗志桓帝時為北海相其宦官

子弟為令長有姦惡者輒捕案之

節錄後漢書黨錮傳

孔融字文舉孔子二十世孫也辟司空掾遷虎賁中郎將會董卓

萊州府鄉土志卷上

政績

六

廢立融每有匡正時黃巾寇數州而北海最為賊衝卓乃諷三府同舉融為北海相融到郡收合士民起兵講武稍復鳩集吏民為黃巾所誤者男女四萬餘人更置城邑立學校表顯儒術薦舉賢良雖一介之善莫不加禮焉黃巾復來侵暴融出屯都昌為賊管亥所圍乃遣東萊太史慈求救於平原相劉備備遣兵三千救之賊散走在郡六年劉備表領青州刺史

節錄本傳

宗罷永嘉初為長廣太守王彌寇青徐死之

劉將軍失其名西洛人永嘉中為東萊太守當晉室播蕩東土禍亂之際來守是邦有功德及民卒於萊萊人乞留葬立廟祀之

北魏鄭道昭 崔挺 崔光伯 楊逸 酈道約 李元忠  
王昕 北齊鄭述祖

鄭道昭字僖伯滎陽開封人仕孝文帝其所表陳意在崇儒敦學  
由祕書監為光州刺史轉青州刺史在二州政務寬厚不任威刑  
為吏民所愛卒贈鎮北將軍諡文恭子述祖入北齊節錄北魏  
書本傳

崔挺字雙根博陵安平人太和閒除光州刺史威恩並著風化大  
行散騎常侍張彝巡行風俗見政化之美謂挺曰彝受使省方采  
察謠訟入境觀政實愧清使之名時犯罪配邊者多有逃越遂立  
重制一人犯罪捕亡合門充役挺上書諫高祖納之先是州內少  
萊州府鄉土志卷上 政績 七

鐵器用皆求之他境挺表復鐵官公私有賴掖縣有人年踰九十  
板輿造州自稱少使林邑得美玉今願奉之挺不受景明初見代  
老幼泣涕追隨縑帛贈送悉不納卒諡曰景光州故吏聞凶問莫  
不悲感節錄  
本傳

崔光伯清河東武城人肅宗時除北海太守有司以秩滿依例奏  
代詔嘉其清風遠著兄弟忠孝宜有甄錄可更申三年以厲風化  
本傳 按光  
伯兄光韶

楊逸字遵道華陰人永安閒除光州刺史折節綏撫乃心民務或  
日昃不食夜分不寢人不堪其勞逸曾無倦色又法令嚴明寬猛

相濟於是合境肅然莫敢干犯時災儉連歲人多餓死逸欲以倉粟賑給而所司懼罪不敢逸曰國以人為本人以食為命以此獲戾吾所甘心遂出粟然後申表其老小殘疾不能自存活者又於州門煮粥飯之將死而得濟者以萬數帝聞而善之逸為政愛人尤憎豪猾廣設耳目其兵吏出使下邑皆自持糧人或為設食雖在閭室終不進咸言楊使君有千里眼那可欺之在州政績尤美及其家禍爾朱仲遠遣使於州害之時年三十二吏人如喪親戚城邑村落為營齋供一月之中所在不絕太昌初贈諡曰貞

楊椿及弟津並為爾朱氏所害逸津之子也

本傳按

萊州府鄉土志卷上

政績

八

酈道約字善禮范陽涿鹿人晚歷東萊太守為政清靜吏民安之

武定七年卒

本傳

李元忠趙郡平棘人天平四年除光州刺史時州境災儉人皆菜色元忠表求賑貸被報聽用萬石元忠以為少遂出十五萬石賑之事記表陳朝廷嘉而不責

北魏書太略此從北史按元忠歸心高歡非純臣茲錄之者以其有一

節之可取

王昕字元景北海劇人少篤學能誦書由尚書右外兵郎中出為光州長史遷東萊太守於時年凶人相食昕勤恤民隱多所全濟楊愔重其德業以為人之師表

節錄北史本傳按王昕後仕高洋其守東萊則尚在魏非齊也今

與李元忠相次至鄭述祖始題為北齊人

鄭述祖字恭文故光州刺史道昭子也少聰敏好屬文有風檢為

先達所稱譽天保初累遷光州刺史光北齊書誤作兗下皆同時穆子容為巡

省使歎曰古人有言聞伯夷之風貪夫廉懦夫有立今於鄭光州

見之矣初述祖父為光州於城南小山起齋亭刻石為記述祖時

年九歲及為刺史往尋舊迹得一破石有銘云中岳先生鄭道昭

之白雲堂述祖對之嗚咽悲動羣寮有人入市盜布其父怒曰何

負吾君執以歸首述祖持原之是後境內無盜人歌之曰大鄭公

小鄭公相去五十載風教猶尚同述祖病篤自言以清白遺子孫

萊州府鄉土志卷上 政績 九

遂卒於州北齊書本傳光訛為兗按鄭道昭石刻在掖城南雲峰

柱山則北齊書所謂於城南小山起齋亭也鄭述祖石刻在平度天

州其為光字之訛無疑

唐崔神慶 唐貞休 李邕

崔神慶貝州武城人舉明經武后時累遷萊州刺史后以歷官有

佳政擢拜并州長史節錄新唐書本傳

唐府君名貞休睿宗景雲間為萊州刺史吏民勒碑頌德政

李邕字泰和揚州江都人開元二十三年為括州刺史喜興利除

害始邕蚤有名重義愛士天寶初為北海太守李林甫素忌邕因

傳以罪詔就郡杖殺之節錄新唐書文藝傳 按邕在北海無政績然既喜興利除害重義愛士其在北海

亦必如是也  
本舊志錄之

宋楊美 李斌 葛懷敏 郭勸 張旨

楊美并州文水人狀貌雄偉武力絕人以豪俠自任建隆三年升青州北海縣為軍以美為軍使為政尚簡易民皆德之乾德二年

召還北海民數百詣闕乞留詔諭之不去答為首者始罷

宋史本傳

李斌青州人太宗在晉邸聞其狀貌魁偉召置左右即位補御龍

直副指揮使涪化中領萊州團練使勤於政理人服其清慎轉運

使陳緯以狀聞於朝至道初徙滄州及代吏民不忍其去鄰境亦

上其善狀詔書褒美之

節錄本傳

萊州府鄉土志卷上

政績

十

葛懷敏真定人仁宗時由雄州改萊州團練使濁流砦兵叛殺官

吏潰去懷敏發兵掩襲盡誅其黨懷敏通時事善候人情故多以

才薦之

節錄本傳

郭勸字仲襲鄆州須城人舉進士仁宗時通判萊州州民霍亮為

仇人誣罪死吏受賕傳致之勸為辨理得免擢殿中侍御史改祠

部員外郎知萊州月餘復為侍御史

本傳

張旨字仲微懷州河內人明道中淮南饑自詣宰相陳救荒之策

命知安豐縣大募富民輸粟以給餓者徙知萊州葉清臣舉材堪

將帥召對改知邢州范仲淹歐陽修復言其鷲武有謀略累遷光

祿卿知潞晉二州本傳

金劉仲洙 王維翰 元劉秉恕 釋嘉納

劉仲洙字師魯大興宛平人大定三年進士世宗謂宰臣曰劉仲洙頗以才行見稱然而口語甚訥也明昌中為定海軍節度使歲饑表請開倉未報先為賑貸有司劾之罪以贖論時仲洙兄仲淵以罪謫石州仲洙上書請以萊易石朝廷義而不許久之以年老致仕仲洙性剛直果於從政尤長於治民所在皆有功迹蓋一時之能吏云金史本傳

王維翰字之翰利州龍山人好學不倦中大定二十八年進士貞萊州府鄉土志卷上 政績 十一

祐初為定海軍節度使是時元兵侵軼此句照續掖縣志補至鎮無兵備鄰

郡皆望風奔潰維翰謂吏民曰孤城不可守此州阻山浮海當有生地無俱為魚肉也乃縱百姓避難率吏民願從者奔東北山結營堡自守力窮被執不肯降妻姚氏亦不肯屈與維翰俱死詔贈中奉大夫姚氏芮國夫人諡貞潔金史忠義傳

劉秉恕字長卿邢州人弱冠受易於劉肅遂明理學世祖至元間歷彰德懷孟淄萊順天太原五路總管淄萊府有死囚六人獄已具秉恕疑之詳讞得其實六人賴以不死他所至皆有惠政元史本傳

釋嘉納至正間為萊州守臣毛貴陷萊州嘉納死之

明潘珍 王獻 吳道南 陳瓚 王文翰 劉有誠 沈九  
疇 譚昌言 戴君恩 楊作楫 汪喬年 趙建極 曾櫻

張國士

潘珍字玉卿婺源人宏治士戊進士正德十一年官僉事海道廉  
直有行誼

王獻字惟臣咸陽人進士嘉靖十四年為副使巡道敢於任事訪  
膠萊河故道請於撫按鑿之以通轉運商賈稱便功未竟遷秩去  
吳道南字宗甫江西貴溪人正德癸酉舉人嘉靖十八年由兵部  
郎中任副使海防道崇儉樸敦信義揚清激濁恤民練兵罷新河  
萊州府鄉土志卷上 政績 十二  
役民賴息肩立祠祀之

陳瓚字敬夫直隸獻縣人嘉靖丁未進士四十一年以副使巡察  
登萊自奉儉薄取與必嚴法在必行豪強皆無敢犯一時屬吏慄  
慄循理焉

王文翰字西瀛汾州人庚戌進士隆慶元年以僉事駐萊教民刈  
葛績布衡藩司田者奪昌灘民田文翰具由巡撫奏逮治罪田悉  
還民

庚戌承上嘉靖  
而言下倣此

劉有誠字存甫山西甯鄉人丙辰進士萬曆元年任分守參政道  
嚴以飭吏寬以御民貪殘豪右一時斂迹卒官民肖像祀之

沈九疇字箕申浙江鄞縣人萬曆丁丑進士二十一年任分守參政安靜不苛時平度饑民鼓煽岌岌致變九疇單車往擒渠魁事賴以定

譚昌言字聖諭嘉興人辛丑進士天啟四年任登萊道維令與遼將構釁以遼兵叛撫檄登兵會勦登營多遼人偶語迭誘昌言大言曰遼將吾將遼民吾民也誰敢言發兵者入遼營握遼將李維忠手令馳箭諭濰營將士皆感泣其從容談笑弭大變於頃刻者膽識優也

戴君恩澧州人癸丑進士崇禎二年分守駐萊時妖賊李盛明惑萊州府鄉土志卷上

政績

十三

眾煽亂乃設計擒捕誅其魁亂遂定

楊作楫字漱石蓬溪人丁未進士崇禎五年任參政分守道值叛兵圍萊作楫以守道監軍備極勞瘁萊圍解復黃克登身歷礮石閒志必欲殲賊而後快後監軍磁州討賊殉難

汪喬年字歲星遂安人天啟壬戌進士由郎官出知青州舉天下卓異第一崇禎六年擢分守副使平素廉介自持至是僚屬贈遺悉受之人莫喻其意比抵萊寇亂甫弭守禦空虛盡出所受貲市馬募兵修隍治械於是殘郡復完累官陝西總督於襄城罵賊殉難襄城建祠祀之

趙建極永甯人萬曆己未進士崇禎九年以參政駐萊性剛嚴整躬率屬吏畏如神後遷山西布政使賊陷太原抗節死  
曾櫻字仲含峽江人丙辰進士崇禎中任湖南僉事十三年遷分守參政為政愷悌明斷不畏疆禦時寇盜充斥櫻簡器練卒賊莫敢近又請開新河備漕運凡所建畫皆能及久遠後為南京工部尚書進吏部留守福州死義  
張國士靈壽人崇禎戊辰進士十四年以副使駐萊時寇氛四起姦民乘亂剽掠郡人大恐國士撫綏彈壓民賴以安去之日送者數萬人

萊州府鄉土志卷上

政績

十四

董俊 夏升 崔恭 段堅 薛璘 戴瑤 李黎 楊志學  
張師載 楊起元 龍文明 陳亮采 王之鑰 婁九德  
董俊太原人洪武十年知萊州府為政廉平寬猛得宜民立碑頌德

夏升字景高鹽城人洪熙元年由開元令陞萊州知府廉公自持杜私謁革侵漁百廢具舉

崔恭字克讓廣宗人正統丙辰進士十二年以楊溥薦由戶部主事擢萊州知府尚德化緩刑罰政平訟理遠近悅服內地輸遼東布悉贍郡庫歲久朽敝守者多破家恭別構屋三十楹贍之請約

計歲輸外餘以充本府軍餉遂放遣守者八百人次年萊譏眾議請於上發倉賑濟恭曰待報則無民矣亟發六十萬石民賴存活也先犯京師遣民兵數千入援廷議城臨清檄發役夫恭以方春民乏食請俟秋成逾歲有蝗恭禱於神蝗赴海死鄰縣安邱張寬匿兄子廣財立訊得情暇時勤於課士鄉薦毛敏等皆所甄拔居府六年萊人以比漢楊震與楊震崔挺並祀官終吏部尚書諡莊

敏參明史本傳

段堅字可久陝西蘭州人早歲受書即有志聖賢景泰甲戌進士成化二年由福山令陞任萊州府朞年化大行以憂去堅之學私萊州府鄉土志卷上

政績

十五

淑河東薛瑄務致知而踐其實不以謏聞取譽故能以儒術飾吏治

節明史循吏傳

薛璘河津人成化間進士十一年以寬守調萊仁明節儉惠利及民寬民歌曰誰將萊州土換我寬州金在萊踰年卒官民悲號如喪所親

戴瑤汝陽人進士成化十八年知萊州府機警有才幹除姦剔蠹鋤強植弱政譽赫然

李蔡字從質任邱人成化戊戌進士宏治十七年知萊州始至捕劫盜六十餘人時勾稽屯地戎衛欲移患於民或議牧馬於萊及

有獻地衡藩者皆力爭以免招徠流移與屬縣期約以多寡為殿  
最暮年復業者數千人葺學舍勵生徒萊人刻石頌之

楊志學長沙人進士正德四年任萊州知府性度寬宏政尚平易  
泣任三載恩禮周洽民久而思之

張師載字以道號少渠潛江人嘉靖丁未進士三十六年知萊事  
以剔垢恤隱為治舊新芻諸費取給里甲悉罷之歲省不下千金  
每早步禱海廟以至誠故有應調停一郡苦役甚多民愛若父母  
立生祠

楊起元樂城人己未進士隆慶二年知萊州府端莊簡默事至立  
萊州府鄉土志卷上

政績

十六

剖無不得情自奉尤清約一蔬不妄取陞陝西副使調貴州既沒  
家無長物子孫不免饑寒

龍文明字君見永新人萬厯己丑進士二十七年由戶部郎中守  
東萊值大侵請蠲議賑加意撫綏民有起色先是萊城僅土墉萬  
厯丙申丁酉間有倭警沿海戒嚴兵憲于仕廉議加甃甃工甫舉  
遷去文明集貲鳩工成之不三載告竣屹然東方保障又造戰艦  
於三山置屯田於張舍厯興諸役民不罷勞修府志八卷稱愷史  
擢東牟兵備後三十年援凌叛軍圍萊七月卒以城堅得完爰立  
祠祀之曰微龍公甃城城中數十萬生靈齎粉矣

陳亮采字熙唐晉江人己未進士三十五年由刑曹知萊州府惠澤及民廣設學田培養士類天啟元年陞海防道

王之鑰字維北洛陽人進士萬曆四十年任萊州知府比三年歲大饑設法賑濟悉心區處全活數十萬人

婁九德字虞廷嘉興人丁未進士四十四年以工部郎中出知萊州府清介自守歲荒百計周之

朱萬年 徐從治 謝連 楊御蕃 彭有謨 寇化 任棟

洪恩照 朱大典 附 祖寬 附

朱萬年字鶴南黎平開泰人萬曆己酉舉人崇禎四年知萊州府萊州府鄉土志卷上

政績

十七

慷慨持大節語人曰生作奇男子死為烈丈夫余志也是年登將孔有德等統兵援凌河過萊萬年窺其有異志犒賞甚厚豫為守禦計既而有德等叛於吳橋返破濟屬六縣至萊郡陽語勿忘前恩垂橐而東而萬年備益嚴旋陷登破黃五年二月朔圍萊萬年隨方守禦動合機宜時山東巡撫徐從治登萊巡撫謝連並在城中堅守未幾從治中礮死督師劉宇烈受尚書熊明遇意主撫遣推官屈宜揚往來賊營援師逗留不進忽齎偽旨命謝撫同朱萬年出撫賊賊謬為悔罪狀連信之次日宜揚復請出城讀詔萬年曰叛兵殘郡縣殺命吏自知不赦必無降理且未經大創其志驕